



A lokisetse Morena Sechaba se phethehileng (Luka 1,17)

Tel: 28 350 466/ 62600983 (WhatsApp)

MOELETSI OA BASOTHO

PARARE DOMINO PLEBEM PERFECTAM



**Ba sosobanya
lifahleho**

5

**Molao o nyamella
lefifing**

7



E TSEKA HO IPUSA



Access Our Books on Akello Library!

Explore a wide range of our books anytime, anywhere.
Visit Akello Library today and start reading!

#ReadAnywhere #AkelloLibrary #ExploreMore



<https://library.akello.co/downloads>

Follow the link

bookcentre@mazenodprinting.co.ls

Need guidance? Call/ / WhatsApp: 27 350562 / +266 57396597

MOELETSI

E teng ntho'e joalo?

Kampani ea Phepelo ea Motlakase Lesotho (LEC) e se e le nako joale e ntse e hlaha kapel'a Komiti e Alositseng Tšebeliso ea Lichelete tsa Sechaba (PAC) mabapi e tšebeliso e bonahalang e sa hlake ea lichelete. Tlaleho ea Mohlahlobi e Moholo oa Libuka tsa 'Muso e hile e fapakane hole haholo le e fanoang ke basebetsi ba LEC. PAC joale e batlile tlhaloso e hlakileng eo ba sitiloeng ho fana ka eona hoo qetellong e ba laetseng ho khutlisa chelete e fuoeng bareki empa e sa ba lokele. Basotho ba sa thabile ba bile ba e-na le tšepo e tiileng hore litaba tsena li tla thusa ho hlaola bobolu, le hore mohlomong litheko tsa motlakase li theohe ke moo Boto le Bookameli ba LEC ba mathelang Lekhotleng le Phahameng hore le laele PAC ho khaohana le eona, le hore litlaleho tse entsoeng li hlakoloe hohle.

Molula-Setulo oa PAC o hlalosa hore LEC e fuoa chelete ke eona paramente, joale ke phoso ha e batla ho tseba hore na chelete e joalo e sebelisitsoe joang? LEC e se e batla ho fetoha mohlape-moipusi hobane feela e khalemelloa bobolu? Seboko sa sechaba ke sa phohomela ka litheko tsa motlakase, letsatsi le letsatsi batho ba lla ka motlakase o monyenyanane oo hangata neng-neng o khaohang. Botsamaisi ba LEC kannete ruri ha ba utloele Basotho ba sokolang? Sello sa tsuonyana ha se hlomole phakoe?

Hoa hlaka hore kamehla motho o sebeletsa eena le mpa ea hae, h'a na taba hore na ke mang ea utloang bohloko. Har'a maemo ana a hloabaetsang a lichelete, baokameli ba nakoana ba LEC ba ekeletsoa meputso le hoja ho siiloe ba bang. Taba ena e bakile moferefere haholo kahar'a kampani hobane ha ho ea ka lumelang ho shebella motho e mong a e-ja kapel'a mahlo a hae. Motho o'a ipotsa hore na ekaba kampani ena e habile kae, bana ba Basotho ba sebetlang moo ba qopitsa ea mang thuto? B'a hlokomela hore mosebetsi ha se lefa, ha se talenta hosane ba tla be ba lutse fatše e le karolo ea sechaba sena se llang, 'me ba kotula litholoana tsa mesebetsi ena ea bona. Ha li boje li bo tšoha, e se re ba li tšoarisa serotsoana.

Likhoebos tse ngata hae mona li shebahala li nkile monyetla haholo ka seoa sa COVID-19 ebe li koala likhoebos ka le reng ha li na chelete. Ketso ena e sia basebetsi ba likhoebos tse joalo ba sa fumane letho 'moho le mekitlane eo khoebo e nang le eona. Ka lebaka lena Lekala la Khoebo le Mesebetsi ea Sechaba le tsoile letšolo ho ruta sechaba ka molao o mocha, moo khoebo pele e ka koala lekala le tla romela mohlanka ho ea hlahlabola. Motho ea joalo o tla etsa bonnete ba hore khoebo e lefa mekitlane eohle ea eona 'moho le lichelete tsa basebetsi. Sena se tla etsahala ka ho rekisa thepa ea khoebo.

Basotho ba heso ha re ithuteng melao e re amang haholo ea mosebetsi hobane bongata ho itjelloa 'metoane ke ho se tsebe. Ha ba bang ba sitoa ho loanela litokelo tsa bona ba tšohile hore ba tla felloa ke mosebetsi, hobane tlala ena le eona e re entse mekopa-kopa ho feta tekanyo. Re qetella re ikentse tšotso linaleng moo re shebileng feela ho khotsofatsa 'muso ona o sa kolotoeng oa mpa. Ho molemo ho hopola hore seo u se etsang kajeno ke se tla u thusa ho phela mohlalana u seng u tsofetse. Ka hona roalla esale ha joale, maoto le mangole a sa u jara ho ea moo u ratang. E se re hosane eaba u jarisa bana sekhobo sa hore ha ba u hlokomela empa u ba holisitse, ka nako eo u ne u phetha tokelo le ts'oanelo ea hau ea batsoali.

MOLIMO A BOLOKE LESOTHO LE BASOTHO

Thekisetano ea batho e kotsi

Nthabeleng Seitlheko

Molemong oa ho anetsa thuto ka litaba tsa thekisetano ea batho, Lekala la Sepolesa, tsa Lehae, Borena le Puso ea Libaka le ts'oaretse baqolotsi le baphatlalatsi ba litaba thupelo e le ho ba hlasimolla le ho tlaleha litaba tsena kaha ho bonahala sechaba sa Basotho e ba mahlatsipa. Litaba tsena li boletsoe ke Motlatsi oa Mongoli e Moholo oa Lekala, Nkhotla Machachamisa ka la 4 Phupjane monongoaha.

O re kaha bophatlalatsi e le leoto la bone la puso, ba lokela ho kenyeletsoa hore le bona ba be le tsebo ka litaba tsa amang sechaba le hore na ba ka tlaleha litaba tse ling joang, ba bolokile seriti sa ba amehang.

O itse ho hlola litaba tse-

ba batho ba bonahala ba amangoa le litaba tsa thekisetano ea batho hobane ba ts'episoa mosebetsi kantle ho naha le ho sebetisa merafong e seng molaong. A re ke ka hoo Basotho ba bang ba qetellang ba felloa ke bophelo le ho sebelisoa hampe ka lebaka la khaello ea tsebo.

A re ba se ba e-na le litlaleho tsa moo Basotho ba sebetlang Afrika Boroa ba sebelisang boitsebiso ba baahi ba naha eo, ho fumana mesebetsi 'me ba qetella ba sitoa ho fumana lichelete tsa bona.

O bonts'itse ha Naha ea Lesotho e le boemong ba bobeli litabeng tsa toants'o ea thekisetano ea Batho, ka hona mokhatlo e tsoile lets'olo ho fana ka thuto ho sechaba ho bona hore bohle ba na le tsebo ka litaba tsena hobane li kotsi. A re ha joale naha e ntse e hula ka



baphatlalatsi ba lokela ho ngola litaba ka tsela e hlokolosi, ba hlompheha litokelo tsa mahlatsipa le seriti sa bona. A re litaba tse ngotsoeng ke baphatlalatsi li kholoeha ho feta tsohle ka lebaka leo ha ba ngola litaba tse matla tsa sechaba ba ka tseba ho fetola boemo.

E mong oa baphatlalatsi ba bileng thupelong ena, Rorisang Moiloa ho tsoa



na baphatlalatsi ba lokela ho fana ka thuto sechabeng kaha batho ba bang ba tloha kahar'a naha ba ts'episitsoe mesebetsi e sieo. A re batho ba qetella ba lahlaheloa ke bophelo hobane ba iphumana e le mahlatsipa ka lebaka la ho batla mesebetsi le ho ts'epa batho ba sa ba tsebang.

E mong oa bakoetlisi, Lerato Nkhets'e o hlalositse hore khoebisano ka batho e etsoa e le tlolo ea molao khahlanong le eena e bile ho na le khatello ea Litokelo tsa Mantlha tsa Botho, ha ho boetse ho e-na le batho ba ts'elang malibohong ka thoko ho molao, e le ka boikhetshelo 'me ba qetella e le mahlatsipa a thekisetano ka Batho. A re boholo

litlhako tsa morao litabeng tsa ho fana ka thuto hobane 'Muso oa Lesotho ha o na chelete eo o e abelang lefapha lena, kaha boholo ba liketsahalo li its'etlehlile ho bafani.

Peter Buyondo e mong oa bakoetlisi o supile hore



Sky Alpha HD o hlalositse hore thupelo ena e le bohlokoa haholo kaha e ba hlahleletse ka malebela hore na litaba tsena tsa khoebo le khoebisano ka batho ba ka li atamela joang e le baqolotsi kapa baphatlalatsi ba litaba.

O re ba hlokometse hape hore kannete mosebetsi oo ba o etsang o bohlokoa haholo sechabeng kaha ke bona ba lulang ba fetisetse litaba sechabeng ka ho se ruta, ho se tsebisa kapa hona ho susumetsa phetoho mabapi le litaba tse se amang.

Lekala le ts'episitse ho tsoelapele ho koetlisa baphatlalatsi ka litaba tsena hobane li molemong oa naha.

Contacts: +266 28350 466

62600983 WhatsApp

Email: newsroom@moeletsiabasotho.co.ls

Sales and Marketing: (+266) 28 350 466/ 57396597 (WhatsApp)

MOELETSI oa BASOTHO
A LOKISETSE MORENA SECHABA SE PHETHEHLING (LUKE 1:17)

Editorial

Lesetsa Rakubutu

(+266) 6203 1949 / 58490670

EMAIL: editor@moeletsiabasotho.co.ls

Mohale Lehlohonolo (Sub-editor)

(+266) 58 771 507 / 62 771 507

Journalists

Nthabeleng Seitlheko

57 665 038/ 68 216 271

Tšeliso Thakholi

58 540 853/ 63 480 404

Production Desk: 'Mateele Liqa

Bacha isang likopo BEDCO

Nthabeleng Seithleko

Banka ea Standard Lesotho, Setsi sa Pokello ea Lekhetso(RSL) le Koporasi ea Likhoebotse Nyenyane(BEDCO) li khatotse likopo tsa chelete ea morero o tšehetsang likhoebotse tsa bacha, ka la 3 Phupjane monongoaha.

Mookameli Lefapheng la Mebaraka Standard Lesotho Bank, Manyathela Kheleli o re morero ona o arabelang tlhokahalo ea mesebetsi bacheng e leng seoa, o qalile ka selemo sa 2014 'me o se o tsetetse bonyane M10 Millione. O itse likopo tsena li buletsoe bacha ba lilemo li lipakeng tse 21 ho isa ho 35 ba nang le lengolo la LGCSE ebe li koaloa ka la 24 Phupu monongoaha.

O re ho fihlela ha joale ba se ba e-na le likhoebotse 33 tseo ba ileng ba atleha ho li thusa, 'me tsona li hirile Basotho ba 184, ka hoo sena ke katleho e kholo hobane bana ba bona ba tsebile ho fumana mesebetsi, ha ba bang ba tseba ho phelisa malapa. A re lipalo-palo li supa hore motho ale mong ea hiriloeng o phelisa ba-



tho ba seng ka tlaase ho ba bararo.

Pheello Mphana ho tsoa RSL o re morero ona ke o bontšang thahasello ea bacha khoebong empa ho e-na le likhaello. "Bacha ba rona ba na le mehopolo e metle, cheseho le tjantjello ea ho kenya letsoho katlehisong ea naha ena, empa leha ho le joalo ho na le liqholotso tse kenyeletsang ho hloka chelete ea ho qala khoebo, litsebo le likhokahano, empa ka mohato ona tlhokahalo ea mesebetsi e

tla ba pale ea maobane." Ho riale Mphana.

'Mamahapela Mokooane ho hlaha BEDCO, o re ba ikemiselitse ho hokahanya bacha le morero ona, kaha BEDCO e tataisa le likhoebotse tse na le lilemo tse tharo li ntse li thuthuha ka lebaka lena khoebo e joalo e ke ea hlola e oela. A re bona ba teng ho bona hore ha khoebo e se e le teng ba fumana mebaraka.

A re BEDCO e teng khoeli le khoeli ho bona hore kahar'a naha ba bapatsa

likhoebotse Basotho ho ba fumanela mebaraka e le hore likhoebotse joalo li be le baji. O re batho ba bangata ba bolaoa khoebong ke ho se fumane mebaraka sebakeng sa thepa ea bona eo tebello e leng hore e fihlele baji. A re mebaraka ea bona e entse pula-maliboho khoebong le ho tliša lerato, thahasello le kholo ea khoebo ho bacha ba Lesotho.

O re leha bacha ba leka ho kena khoebong ka bongata empa tlhokahalo ea lichelete ke e 'ngoe e ba behang

bothateng, hoo ba bang ba qetellang ba nyahama, ka lebaka leo ho bohlokoa hore bacha ba se itheke moralo ba tsebe hore lichelete tse kang tsena li t'lo ba thusa hore qetellong ba iphelise, le ho hlalisa mesebetsi molemong oa naha ea habo bona.

Ke bonyane likhoebotse hlano tse t'lo una molemo ona, 'me tsona li tla arolelana M1 Millione, ka hoo bacha ba lebelletsoe ho romella likopo tsa bona ho BEDCO.

Tšireletso mabapi le khoebo e koaloang



Nthabeleng Seithleko

Mongoli-Kakaretso oa Mokhatlo oa Basebetsi ba Merafo le Likoari, Robert Mokhahlane o re Naha ea Lesotho e lokela ho loma bebebe e le kannete, ho lopolla Basotho ba sebelisoang ba sa lefshoe ke bahoebi kapa ba qetellang ba baleha ka lichelete ha khoebo e le makhatheng a ho oela. O boletse tsena, puisanong le Koranta ka la 3 Phupjane monongoaha.

O re tšebetsong ea hae ke likhoebotse ngata tsa melata tse fetotseng mabitso ha li baleha ho lefa

mekitlane kapa basebetsi, ha tse ling li ile tsa koala li sa lefa basebetsi ho hang. O re litaba tsena boholo li tsoaloa ke ho hloka tsebo ha Basotho hore ba lokela ho tlaleha likhoebotse joalo kae, e bang ba bona hore li tla ba le mathata, le ho se tsebe tsamaiso e hlakileng ea melao e teng kahar'a naha ho sireletsa Basotho.

O re Basotho boholo ba sitoa ho etsa lintho ka tsela tse nepahetseng ho itšireletsa hobane ba lula ba tšosoa, ka hoo Lekala la Khoebo le Mesebetsi e Mehola ea Sechaba le phahamele mapoqo ha le fumana tlaleho tsohle. O thoholelitse lekala ka tšebetso ena, eo a reng o lumela hore e t'lo sireletsa Basotho mesebetsing ea bona e le hore le bona ba abeloe toka, bahoebi ba khatotse ho itšireletsa ka seoa sa COVID-19.

Litaba tsena li latela hore lekala le tšoarele baqolotisi ba litaba thupelo holima tsamaiso ea khoebo le ho tsebahatsa molao o mocha o keneng tšebetsong ho thusa sechaba ho tseba liphetoho le likhato tseo se lokelang ho li nka khahla-

nong le bahiri ba mothating oa ho koala likhoebotse ba sa lefa mekitlane kapa basebetsi.

Limpho Makholela ho hlaha Ofising e sebetsanang le Litaba tsa Khoebo tse sitoang ho lefa Mekitlane, o hlalositse hore morero o moholo ke ho bona hore sechaba se tseba litaba tse teng le liphethoho mabapi le khoebo e le mokhoa o motle oa ho ntlafatsa khoebo le phano ea litšebeliso kahar'a naha. O re leeto leo ba keneng ho lona le tsoetsoe ke litholoana tse bohla tse tlišitsoeng ke seoa sa COVID-19, moo likhoebotse li neng li koala li sa re letho ka ho lefa basebetsi le mekitlane ea tsona.

O tsoetsepele hore molao o keneng tšebetsong ha joale ke oa selemo sa 2022,

o fetisetsang matla lekaleng la habo hore ba sebetsane le litaba tsa likhoebotse koaloang tse sitoang ho lefa mekitlane ea tsona 'moho le basebetsi. O re mosebetsi ona o ne o etsoa ke Lekhotla la 'Maseterata' 'me ka lebaka la ntlafalo ea molao o mocha tšebetso e joalo e se e tla etsoa lekaleng.

A re sena ke karolo ea ho ntšetsapele mosebetsi oa bona oa ho lisa tšebetso ea likhoebotse kaha e le bona bangolisi ba likhoebotse. A re mosebetsi ona o tla etsoa ho ipapisitsoe le kopo ea mohiri nakong ea ho koala khoebo, ho etsoe liphuputso ka khoebo e joalo le moo e bang ha se moga eona ea tlalehileng ke balli.

Ofisi ea habo, boto le tsamaiso ea kampani ba tla hloaea motho ea tla ikara-

bella litabeng tsa ho koaloa ha khoebo e joalo, 'me eena a netefatse hore ho lefshoa mekitlane ea khoebo le basebetsi ka ho bokella lithepa tsohle tsa khoebo e be li'a rekisoa. A re hore sechaba se qetelle se tseba ka litaba tsena ba t'lo potoloha le naha ba fana ka thuto.

Mpho Makhabane h'a hlalosa litaba tsa ho tšehetsa khoebo tse joalo o bontšitse hore ho shejoa batho ba lokelang ho lefshoa e le ba pele kamor'a hore motho ea khethiloeng ho bona hore lithepa tsa khoebo e joalo li'a rekisoa, e seng bona e le ofisi ba inole khoebo e joalo kahar'a mekitlane ea eona empa ba sebeletsa hore bohle ba qetelle ba lefuoe le ho abeloa toka.



MOELETSI O TŠEHETSA BACHA

Tšeliso Thakholi

L eha ho bonahala bacha ba Naha ea Lesotho ba apar-tsoe ke leqeme le leholo la tlhokahalo ea mesebetsi, bacha ba ipabotseng haholo litabeng tsa khoebo ba etsang lijo tse bolokoang ka libotlolong, motoho, khemere le mefuta e fapakaneng ea linoamapholi, Nthati Selebalo le 'Matšepo Monneng ba khothaletsa bacha ho se itheke moroalo ntlheng ea ho iqapela le ho iqalla likhoebo tse fapakaneng ba ipapisitse le libaka tseo ba phelang ho tsona, e le ho fenyha tlala, tlhokahalo ea mesebetsi le ho qoba litlolo tsa molao. Bacha bana ba

kaha e mong a lokisa likoloi ha e mong a e-na le khoebo ea thekiso ea lihlahisoa tsa meroho. Pele re qala tšebetso ena ea khoebo re ntse re tsoelapele ho ithuta haholo ka litaba tsa khoebo. Bobeli ba rona re entse Foromo ea Bohlano, 'me hajoale re ntse re ntšetsa lithuto tsa rona pele le ba Setsi sa Thuto ka Ngollano. Morero o moholo oa rona ke ho etsa feme e kholo e tla boloka bohlasoa bona bo tletseng naha ba lipolasitiki ka ho li phutha re tlii' o etsa limmete tsa fatše, tsa maboteng le likatiba. Ha re se re phethetse lithuto tsa rona re batla ho hlahisa mefuta e fapakaneng ea linoamapholi, sepheo se seholo e le hore bacha ba bangata ba tle ba tsebe ho fumana mesebetsi.

ea tlhahiso ea khemere ha e hloke litšenyehelo tse ngata e hlahiseha habobebe, e bile Basotho ba bangata ba e rata kaha e sebelisoa meketeng e mengata. Khoebo ea ho etsa limmete le likatiba ka lipolasitiki ha e hloke litšenyehelo ho hang hoba mesebetsi oa mantlha ke ho bokeletsa lipolasitiki ka mefuta, ebe mocha o qala ho etsa mesebetsi oa ho loha. Re ntse re lohotha ho tla bokeletsa mekotla ena e tšelang phofo ho tla etsa mese, lipache le mekotla e metle ea bo-'m'e.

TSEBO EA MOSEBETSI

Taba e kholo eo re ratang ho eletsa bacha ka eona ke hore ba lokela ho ba le tsebo ea mesebetsi oo ba o etsang. Ba bang ba bacha ba na le litsebo tsa mesebetsi e

bo e hlakileng e tla tlisoa ke lithupelo.

BOHLOKOA BA HO ITŠEBETSA

Rona re le bacha ha re bone ho hloka hore bacha ba 'ne ba tlele hohle mona ba re ba batla mesebetsi, empa ba ntse ba e-na le lineo le mahlale ao Morena Molimo a ba fileng ona. Re bone mafelong a beke a tsoa feta moo sesole se neng se batla feela bacha ba 500 ka palo ho ea ba litho tsa sesole hore na lipalo li phahame hakakang tsa bacha ba hloka mesebetsi. Kaofela ha bona ba na le litsebo tse fapakaneng tseo ba ka tsebang ho iphelisa ka tsona ntle le ho hiroa. Bacha ba heso ho itšebetsa ke mesebetsi o monate haholo, feela o batlang motho ea nang le mamello, sebete

habobebe hobane boholo ba lipolasitiki ba bang batho ba se ba li chesa. Empa le hona ho li chesa hona ho baka tšenyho ea boemo ba leholimo. Mesi ena ea tsona e senya lera la leholimo ke ea tse ling tse bakang mae-mo ana a makatsang a phe-toho ea boemo ba leholimo.

LIQHOLOTSO

Rona ha re qala liqholotso tseo re ileng ra kopana le tsona ke tlhokahalo ea 'maraka empa re qeteletse re sebelitse ka thata ho tsebahatsa khoebo ea rona. Re boetse re ile ra fumana tšebetso ea lichelete ho tsoa ho e mong oa bahoebi kahar'a naha, 'me o ntse a tsoelapele ho re tšehetsa e le ho holisa khoebo ea rona. Mohoebi enoa o boetse o kentse letsoho ho rekisa e 'ngoe ea thepa ea rona



boetse ba etsa limmete tse ntle ka ho fetisisa ka mefuta ea tsona le likatiba ka joang le lipolasitiki.

Ba li beha tjena:

QALEHO EA TŠEBETSO

Kholong ea rona re ne re sa nahane hore re na le talenta ea ho hlahisa likhoebo, empa re ile ra ratisoa haholo mesebetsi oa ho itšoarela ka matsoho le ho iketsetsa likhoebo ke batsoali ba rona. Bobeli ke bahoebi

KHOLO EA KHOEBO

Bacha ba bangata ba na le tšabo ea ho kena khoe-bong ka tumelo ea hore e hloka litšenyehelo tse ngata le mokhoa oa ho qala o boima. Empa ha ho joalo kaha ho tsoa hore na mocha ka mong o batla ho etsa mofuta ofe oa khoebo. Re ka etsa mohlala ka khoebo ena ea rona. Re kopa bacha ba iqalle likhoebo tsa mofuta ona kaha ha li hloke litšenyehelo tse ngata. Khoebo e kang

le tsa tlhaho, e leng ntho eo ho thoeng ke talenta empa talenta eo e hloka hore e boele e matlafatsoe ka ho kena sekolo sa mesebetsi oa matsoho kapa ho fumana leha e se e le lithupelo tsa mesebetsi oo mocha a batlang ho o etsa. Sena se tla thusa ho nolofatsa tšebetso ea hae le ho mo qobisa litšenyehelo tse ka bang teng. E kholo ka ho fetisisa ke hore mocha a be le lerato la mesebetsi oa hae le tse-

le lerato la seo motho a se etsang le ho sebetsa ka thata hore khoebo e atlehe. Bacha kenang khoebong ka bongata re holiseng naha ea habo rona le ho loantša tlala le tlhokahalo ea mesebetsi.

TŠEBETSO EA KHOEBO

Rona ha re qala mefuta ena e fapakaneng ea khoebo ho ne ho se bonolo kaha thepa tseo re li sebelisang tse ling tsa tsona ha li fumanehe

mabenkeleng a hae le ho re batlela 'maraka ha re qeta ho etsa thepa.

TAKATSO EA RONA

Re rata ho bona ka letsatsi le leng re hlahisa mesebetsi e mengata ka lipolasitiki ka ho hira bacha ba bangata le ho theha feme e kholo e phuthang lipolasitiki e etsa lihlahisoa ka tsona. Ntho e re thabisang haholo ke ho bona batho ba bangata ba rata le ho reka thepa ea rona.

Bacha ba sosobanya lifahleho

Nthabeleng Seitlheko

Boetapele ba Bacha Mekhahlelong ea fapakaneng ea eona, bo re 'muso o tlohele ho momela o etse molao o tla thusa hore bacha ba fuoe menyetla e bonolo ea ho theha khoebo, ho ithahisetsa mesebetsi le ho phatlalatsa tlhokahalo ea mesebetsi e le tlokotsi hobane taba eo, e tla thusa hore lithuso tsohle le meralo eohle ea naha e ke e shebisoe ntlafalong ea bacha. Litaba tsena, li hlahelletse 'mokeng oa bo-ralitaba oa la 3 Phupjane monongoa-ha.

Polelo e ntšitsoeng ke bacha bana e re ba khathetse ke ho se sekeheloe tsebe, kaha ba ile ba ngola lengolo ka la 30 'Mesa monongoa-ha, ba ngolla Tona-Kholo Samuel Ntsokoane Matekane ba mo kopile ho ba araba ka matsatsi a 14 empa ho fihlela ha joale ha ho nko ho tsoa lemina o ntse a mometse. Ba re taba ena e bohloko hobane ha joale ke bonyane bacha ba 38.9% ba se nang mesebetsi 'me taba eo e ama ntlafalo, kholo le boiphihlelo ba bona.

Tlhokahalo ea mesebetsi e se e le tlokotsi kaha bacha ba bang ba inehetse lithetefatsi, ba hoeba ka 'mele le ho ipolaea kaha ba sa bone bokamoso ba bona. Taba ena e lokela ho phatlalatsa ho ipapisitsoe



le molao oa likoluoana temana ea bots'elela o fang tona-kholo matla a ho phatlalatsa koluoana moo e bang e teng.

E mong oa bacha bana Reatlehile Makateng o hlalositse hore ha ba sa tla thola empa ba tla leka mekhoe eohle ea hore lentsoe la bona le sekeheloe tsebe, kaha ketsahalo ena e lihelela tšepo ea bona ho 'muso oa habo bona. A re ba tla mathela kapel'a paramente ho teka litaba tsena kaha ba lumela hore bakhethoa ba tla ba fa tsebe litabeng tse ba amang. Ba re ba lakatsa hore molao o sebetse hore litokelo tsa bona e le bacha li eloe hloko le ho sireletsoa, 'me taba ena e tla thusa hore 'Muso oa Lesotho o tle o khutlele morao ho hlahloba khakanyo ea liche-

lete bocha hore meralong e mengata ea naha ena bacha ba kenyeletsoe.

Teboho Matheatsie Nyabela o itse litlamorao tsa tlhokahalo ea mesebetsi li ngata joaloka palo ea bacha ba ipolaeang, tlala le ho sitoa ho fihlela litoro tsa bona, boholo bacha ba lahlehetsoe ke tšepo. A re ke nako ea hore bacha ba phaphame ba ikemele hobane e bang ba khutsitse ha ho motho ea tla re letho ka bona le ho ba kenyeletsa meralong e ka fetolang bophelo ba bona.

Thandiwe Chabeli o bontšitse hore tlhokahalo ea mesebetsi ke tlokotsi ha e phatlalalitsoe e bile e tinkellelitsoe ka molao ho ba bonolo ho bona hore ba tsome lichelete tse ka thusang toantsoang ea bothata

bona. A re ho tla thusa naha hore e shebane le bona joalokaha litaba tsa bona li bile li tšehetsoa ke molao oa motheo oa karolo ea 20 oa Litokelo tsa Mantlha tsa Botho.

O re litokelo tsa mantlha molemong oa bohle le lentsoe la bona ba hloka li utloahale kaha le merero eo 'muso o ka ithalosang e le molemong oa ho ntlafatsa bacha joaloka Sebatso le CAFI o molemong oa bacha ba khoebong, le ba nang le mobu e seng bacha ba se nang le mokhoa oa ho qala khoebo. Ho bohlokoa hore 'muso o shebe litaba tsena o akaretsa bacha bohle eseng o shebile karolo e it-seng feela.

"Ha re ba tle mesebetsi e tlang ka lipehelo, re hloka mesebetsi e akaretsang ba-

cha bohle ho sa natsoe boemo ba bona ba thuto." Ke bacha bao.

H'a phethela Molise Rasello o re leeto la bona la ho inamolela khahlanong le tlhokahalo ea mesebetsi le qalile ka selemo sa 2017, moo ba neng ba hlahisitse hore ho be le lekhotla la bacha katlas'a melao le lipehelo empa ho fihlela ha joale molao o ntse o e-s'o fete kaha e le lekhotla le neng le reretsoe ho eletsa Matona le Baetapele ba sechaba ka mekhoe ea ho atamela litaba tsa bacha.

O re ho khutsa ha bona e le bacha ha ho na molemo hobane ho ba tlisetsa khatello ea maikutlo, ka hoo 'muso o lokela ho ba mamela etsoe ba na le litokelo joaloka likarolo tsohle tsa sechaba.

E apareloa ke tlhokahalo ea mesebetsi

Tšeliso Thakholi

Molula-Setulo oa nakoana oa Lekhotla le sa tsoa thehoa la Seotlo sa Ntšetsopele le Kopano ea Basotho(BDF) Seterekeng sa Maseru, Monghali Teboho Mothebesoane o re liqholotso tse kholo tse aparetse lebatooa la habo la Stadium Area ke tlhokahalo e phahameng ea mesebetsi e tobaneng le bacha, khaello ea ntlafatso ea litsela, khaello ea mabone a seterateng bakeng sa ho fokotsa botlokotsebe le littlo tsa molao.

Tsena Mothebesoane o li buile puisanong le Koranta ena lebatooeng la Stadium Area, Maseru ka la 1 Phupjane monongoa-ha nakong eo litho tse ncha tsa BDF li neng li kopane ka bongata bo boholo, ho ea tha-ba 'moho le ho tsebana ka

morero oa ho tla qala tšebetso ea ho holisa Lekhotla kahare ho lebatooa.

A re kamor'a ho tšoenngo ke liqholotso tsena nako e telele ho se ea ba tsotellang, ba ile ba kopa Monghali Mathata Mahlala eo e leng eena Moetapele oa BDF, ho ba thehela Lekhotla la BDF e le lona le tlang ho thula ka phatla liqholotso tsena kaha ba hlokometse hore o se a ntse a etsa e meng ea mesebetsi ea ho thusa bacha le sechaba sa Basotho mafapheng a fapakaneng a bophelo. "Ke moetapele ea nang le qenehelo le lerato ho sechaba sa Basotho, 'me re ile ra bona e le eena ea ka etellang BDF pele." A rialo.

Ho feta moo, o bontšitse hore bona e le ba Stadium Area, joalokaha ba le khubung ea Motse-Moholo oa Maseru ba hloka li Green House bakeng sa ho ithahisetsa temo e le e meng ea mekhoe ea boipheliso

le merero e meng e ka ba thusang ho loantša bofuma, tlala le tlhokahalo ea mesebetsi. "Joalokaha mohoo oa rona o re: Ka Polasing! e hlile re le litho re batla ho ea masimong re il'o ithahisetsa lijo, re tle re tsebe ho itjara hobane re le Naha ea Lesotho ha e sa le re fetoha mekopa-kopa ea linaha tse ling nako e telele. Re boloketse linaha tsena mesebetsi ha rona re sala se futsanehile." O boletse joalo.

A re ntlha e 'ngoe ea bohlokoa ke hore bona e le litho tsa Stadium Area ba tli'o etsa khothaletso ea hore tse ling tsa litlhoko tsa bona li tle li kenngoe meralong le mehopolong ea BDF, nakong eo ho seng ho boptjoa maano le meralo ea tšebetso.

E mong oa bacha ba BDF, 'Matšoana Motšoane ho hlaha lebatooeng la Sempe No. 66 Seterekeng sa Quthing, o bontšitse hore

har'a a mang a mabaka a hore a qetelle e le setho sa BDF ke ho bona a mang a makhabane a moetapele oa BDF, a ho kenya letsoho le toma ho arabela tse ling tsa litlhoko tsa sechaba, empa haholo-holo ho thusa bacha ho bona hore ba kena sekolo, e le hore ba tle ba tsebe ho ba le bokamoso bo chabileng.

A re o ile a khahloa ke lerato le pelo-tlhomohi ho

sechaba ho thusa sechaba se kojoana li mahetleng. A re har'a litebello tsa bona ho BDF, ke hore ha e se e le pusong kamor'a likhetho tse tlang ke ho loantša taba ena e phahameng ea tlhokahalo ea mesebetsi. "A re thuse ho iqalla likhoebo e le ho loantša tlala le tlhokahalo ea mesebetsi le ho thusoa hore bao e bang ba se ba ntse ba ithahisetsa ba thusoe ka 'maraka. Kannete e kholo ke tlhahiso ea mesebetsi." Ke Motšoane eo.



O tšoaea letsatsi la bohloeki



Tšeliso Thakholi

Motlotlehi 'Masenate Mohato Seeiso o ile a etellapele mosebetsi oa litlaleli oa ho tšoaea Letsatsi la Lefatše la Poloko ea Bohloeki ho banana le basali ha ba ile

beletsong ena e neng e tšehelitsoe ke World Vision ka kopanelo le UNICEF, o boletse hore mohoo oa sele-mo sena o bolela hore ke boikarabello ba rona bohle ho sebetsa 'moho le hona ho tšoarana ka matsoho ho bona hore re etsa lefatše le nang le setsoalle ho banana le basali nakong ea bona ea

ba tsa tlholeho ea bona ha li fetohe tšitiso litabeng tsa bophelo ba bona le bophelo bo botle.

'Mabasotho a re ke boikarabello ba rona ho bona hore matloana a boithuso a boemong bo ba lumellang ho boloka bohloeki. "Sena se tla thusa ho nyolla boitšepo ba bona le ho ba

nana ha ba ile linakong tsa bona tsa tlholeho.

Motsamaisi oa World Vision Lesotho, Monghali James Chifwelu eena o itse ba motlotlo haholo ho tla keteka 'moho le barutoana letsatsing lena la bohlokoa, le hopotsang bohle ho tšehetsa ngoan'a ngoanana h'a ile linakong tsa hae tsa tlholeho. A re bona e le World Vision ba lumela hore taba ea banana nakong ea ho ea matsatsing re lokela bohle ho e ela hloko, kaha e kenyetsa le litokelo tsa mantlha tsa motho.

A re e boetse ke taba ea thuto ea teka-tekanano le

hona ho tšehetsa banana ha ba ile linakong tsa bona tsa tlholeho. A re World Vision ha e sale e tšehelitse sechaba ho tloha khale litabeng tsena tsa poloko ea bohloeki nakong eo banana le basali ba ileng linakong tsa bona tsa tlholeho. A supa hore ngoahola ba atlehile ho thusa banana ba 776 'me selemong sena morero ke ho tla thusa ba 330.

A tiisa hore morero o atlehe o tsamaellana le bohloeki ka boteng ba metsi le matloana likolong. A leboha bohle ba atlehisitseng tšebeliso ena kaha boteng ba bona e le ntho e kholo.



Whatever we focus on controls us

We are taught through our entire life to have a focus. Our attention must never be on anything but what we want to achieve. We are supposed to breath, think only that. Our lives are centered around the goal we have set for ourselves, we literally live for nothing other than the goal. The goal becomes our lives.

never talk autonomy as people. The world socialises us into what is termed success and how it is measured. If we want to be respected we have to achieve those goals set by the world. For the conformists control comes from running after what is a worldly prescription. Those who claim autonomy as none conformists the goal becomes denying what the world prescribed. This starts to shape how they act, think and even feel. Control is never in the hands of an individual but who or what we are trying to achieve and become controls our every action. Human beings are never in control or in charge, it's just a fallacy; a make believe.

Therefore, it is safe to say anything that we focus on shapes how we think, act or behave, meaning we can

A mental ideology that has been sold and consumed long enough to look like a reality.



linakong tsa tlholeho ea ho ea matsatsing, tšebeliso e bileng mabaleng a Sekolo sa Mathomo sa St. Theresa, Bela-Bela mafelong a beke a tsoa feta tlasa mohoo o reng: 'Re be 'moho litabeng tsa ho ea matsatsing lefatše ka bophara'. 'Mabasotho o entse tšebeliso ena ka ho nehelana ka mesangoana ea bohloeki ho barutoana ba Sekolo se Phahameng sa Holy Names.

H'a tšetlehela barutoana, litichere le sechaba puo tše-

tlholeho.

A re mekhoha e mengata eo bohle re ka fihlelang mohoo ona ka eona, e kenyetsang har'a e meng ho thibela lintho tsohle tse bakang sekhobo ho banana le basali mabapi le tlholeho ea bona, ho fana ka thuto ho bana malapeng, metseng le likolong le ho ba thusa ho ba le boitšepo le hona ho nka boikarabello tlhokomelong ea bophelo ba bona. A re mokhoa o mong ke ho etsa bonnete ba hore lita-

qobisa khatello ea maikutlo." O boletse joalo a bile a eketsa ka hore re le naha re lokela ho ba le molao o tla fana ka tataiso le hona ho re tlama ho fihlela lipehelo se boleloang ke mohoo ona. A khothaletsa hore melao e be teng ka potlako e le ho thusa ho loantša boemo bona ba sekhobo sa banana le basali ha ba ile linakong tsa bona tsa tlholeho.

A fera puo ea hae ka ho ipiletsa ho bashanyana le bahlankana ho tšehetsa ba-

Molao o etsetsoa sechaba e se paramente-Theko



Nthabeleng Seithleko

Litho tsa Ntlo ea Mahosana li ananetse tlaleho ea komiti ea ketsa-molao malebana le setšoantšo sa molao sa sehlomathiso sa leshome le motso o mong sa Molao oa Motheo oa 2024, e le karolo ea ntlafalo ea Molao oa Motheo ka la 3 Phupjane monongoaha.

Molula-Setulo oa Komiti ea Ketsa-molao, Seaba-

ta Motsamai o re komiti ea habo e kopane le mafapha a fapakaneng a amehang litabeng tsena, e ipapisi-tse le molao o tsamaisang paramente oa 90(3). 'Me ho ile ha e-ba le lintlha tsa bohlokoa tseo ba li hlokometseng ha ba kopane le Lekala la Toka le Molao le ileng la hlalisa hore setšoantšo sena, ke ho hlomathisa molao ka setšoantšo seo ka sona litemana li buang ka hore puo ea matsoho, Xhosa le Sephuthi li ananeloe e

le lipuo tse sebelisoang kahar'a naha.

Morena oa Sehlooho oa Thaba-Bosiu, Khoabane Theko o tlatsitse tlaleho ena ka le reng o eletsa litho ho ananela tlaleho ena, e fete e le joalo le hoja ba ntse ba e-na le ngongoreho ka lebaka la phapanyetsano ea maikutlo e bileng teng lipakeng tsa matlo a mabeli a paramente. A re ba amohela ho tsoelapele ka litaba tse-na ho ea pele kaha ho e-na le lintho tseo ba ke keng ba


li fetola ho latela takatso ea bona le ea batho bao ba reng ba ba imetsa.

A re b'a tseba hore ha ba etsa molao ha ba iketsetse ona, ka hoo bohle ba tsebe lintho tsohle ha li molemong oa bona ba le bang le bona e tlo ba majalefa a liqeto tsa bona. A re komiti ea molao e lekile sohle se matleng a eona ho kenya maikutlo a sechaba litabeng tsohle tse se amang, ka hona ba leb-oha ha mosebetsi o phethetsoe.

Mothehi oa Mokhatlo oa Naka la Mohlomi, Moorosi Moshoeshe puisanong le Koranta o itse ba ile ba isa maikutlo a bona komiting

ea molao ea Ntlo ea Senate, 'me tebello ke hore litabeng tseo ba ileng ba kenya letsoho ho tsona e le tsa tlhopho-bocha e be maikutlo a bona a kenelletse. A re molao ke oa sechaba, o tlo'o sebeletsa le ho sireletse sechaba 'me bohle ke majalefa a molao o monate kapa o tla ba le litlamorao.

O re ho feta molao ona e tla ba pula-maliboho ea leeto le tla tsoela naha molemo e leng leeto la khotso le hore mebuso e tlohele ho itsoarella ka litaba tsa tlhopho-bocha ho sebeletsoe bophelo bo botle, bolokolohi le puso ea sechaba ka sechaba molemong oa Basotho.



Molao o nyamella lefifing

Nthabeleng Seithleko

Naha e ithatang e boulelang kholo ea moruo oa eona, lihloiloeng le ntlafalo ea sechaba e sheba sechaba sa eona e le sa pele se ka fuoang monyetla oa botseteli litabeng tsa lihloiloeng ebe melata e'a tsoepeleloa. Litaba tsena li boletsoe ke Adv. Tumelo Qophe puisanong le Koranta ka la 3 Phupjane monongoaha.

O re merafo ea naha ena e fetohile ha 'manyafeng le ho tsoela melata molemo hobane bophelo ba Basotho ha bo fetoloe ke boteng ba eona. A re sechaba se phelang haufi le libaka tse joalo

se seboko letsatsi le letsatsi ka liketsahalo tse bosula tse bakoang ke boteng ba merafo, joaloka sa Mokhotlong se seng se sitoa ho fumana metsi a hloekileng ka lebaka la tšilafalo e bakiloeng ke barafi.

O re 'Muso oa Lesotho o ichebile bo-ona o lebetse ka tšotleho, bofuma le bofutsana bo tjametseng sechaba sa Basotho le litlamorao tse bakoang ke sechaba se sa tsotelloeng, ho nka karolo leetong la ntlafalo ea sona. O re mafutsana a tjebetsoe thoko le botseteli merafong e leng se etsang hore litaba tsa moruo o tlosoang ke lihloiloeng li ruise sechaba se itseng.

"Ntho e bohloko ke hore Lesotho ha u le mofutsana u lokela ho futsaneha ho fihlella, ha morui a ruoa haholo." Ke Qophe eo. A re ho bohlokoa hore Lesotho le ke le shebe litaba tsa merafo le lihloiloeng tsohle ka leihlo le fapakaneng le la pele, 'me sechaba seo morafi a il'o sebetsoa ho sona se fuoe monyetla eohle hore ha tšebetso e joalo e fele bohle ba unne molemo, bophelo ba bona bo fetohile.



"Linaha tse ratang sechaba sa habo tsona joaloka Burkina Faso, se fa sechaba matla tsamaisong ea lihloiloeng e le hore moruo o potolohe linaheng tsa habo bona. Naha ea Lesotho e lokela ho ithuta ka linaha tse ling hore na li atlehile ho tloha boemong ba bofutsana joang li ea boemong ba moruo o iketsetsang." A ralo.

O re lihloiloeng ke tsona tse ka thusang hore Lesotho le tsoe kahar'a bofuma, bofutsana le tlhokahalo ea mesebetsi, 'me ha ho ka sebelisoa bacha le ho ba fa monyetla oa botseteli libakeng tse joalo, eseng ba sebetse ka likoporasi le mekhatlo moo ho seng botseteli ba moshoelella.

O tsoetsepele hore melata e lokela ho se fuoe mesebetsi ea merafo ea boemo bo holimo empa e tsamaisoe ke Basotho, e seng ba fuoe menyetla e meholo e etsang hore moruo oa naha o lule o hohleha linaheng tse ling. O re sechaba sohle se lokela ho nka boikarabello ka lihloiloeng joalokaha e le tokelo ea sona.

Lebohlang Ntsau o hlalositse hore puso e neng e etelletsoepele ke Dr. Moeketsi Majoro le Mathibeli Mokhothu ho ile ha feta molao o neng o sireletsa matla a Basotho tsamaisong ea merafo le hore litaemane li tsamaisoe ke likhoebo tsa Basotho. O re ba ne ba sebeletsa ho bona hore lihloiloeng tsa naha ena joaloka litaemane li tsoa kahar'a naha li hloekisitsoe e le karolo ea tlhahiso ea mesebetsi, empa 'muso o teng o ntse o sa je lefa litaba tseo o ntse o sebelisa mekhoe ea khale e kotelang Basotho ka lihloiloeng tsa bona.

A re Basotho ke sechaba se tla lula se hlophehile hobane ha ba na lentsoe litabeng tsohle tse ba amang haholo lihloiloeng tsa bona. O re sechaba se

lokela ho una molemo e le karolo ea boikhollo bofumeng, ntlafalo metseng ho sa natsoe boleng, tlhahiso ea mesebetsi le ntlafalo ea libaka ka bo-tsona. O re ha Basotho ba e-na le seabo se feletseng litabeng tsa merafo ho thusa tlhahisong ea mesebetsi le ho nena har'a tse ling litaba tsa litlolo tsa molao.

O bontšitse hore naha e ithatang e ela hloko sechaba sa eona, kholo le ntlafalo ea sona ho sa natsoe boemo, boleng le chebahalo ea motho ka mong. A re ho bohlokoa hore ho tloha morafi a kena sebakeng, ho hlake hore na sechaba se una molemo ofe hobane e se e le nako e telele sechaba se le seboko ka ho se une molemo ka boteng ba merafo. A re ho kotsi ho bona merafo e ba teng e be sechaba ha se une molemo.

Molao oa Merafo oa selemo sa 2006, o hlalosa hantle hore Basotho ba lokela ho sebetsoa e le barafi kahar'a naha empa tona-khoro e teng e hirisitse mechini ea eona ho melata e le ho kenya bao ka santhao litabeng tse amang Basotho. A re Basotho ba boemong bona ka lebaka la boetapele bo sa tsotelleng khoro ea bona.






MoB KIDDS

EDUTAINMENT

Puzzle MoB 93-4588



Across

- 1 Mofumahali ea neng a keteka letsatsi la hae la tsoalo ka li 2 Phupjane. (8,6,6)
- 3 Khatisona ea libuka. (7,8,5)
- 4 Sekotlolo se seholo se lohiloeng ka mosikanokana kapa leloli; se sebelisoa ho olosa kapa ho ts'ela lijo-thollo. (6)
- 7 Molula-Setulo oa balula-setulo paramenteng ea Lesotho ha joale. (8,12)
- 9 Moo ho rekisoang libuka e bile li etsoa teng, Lesotho. (7,4,6)
- 12 Kobo e entsoeng ka matlalo a linyamatsana. (6)
- 13 Ketso ea ho beha nama mollong o hlenneng hore e butsoe e seng e senyehe. (4)
- 14 Letona la Lipapali la mehleng, e bile e le letsoalloa la setereke sa Mafeteng. (9,6)

Down

- 2 Linku tse leshome tse etellang khomo tsa bohali pele. (7)
- 5 Motsamaisi oa Lipuisano paramenteng ea Lesotho ha joale. (7,9)
- 6 Koranta e thehiloeng ka selemo sa 1933. (8,2,7)

- 8 Phala e entsoeng ka setlama se bitsoang lekululo. (6)
- 10 Molula-Setulo oa mehleng oa Paramente ea Lesotho (6,8)
- 11 Katiba e entsoeng ka lekoko la phofolo. (6)

THAROLLO

MoB 93-4587



TSA KEREKE


Mokete oa Fr. Gerard ea Lehlohonolo

Tšeliso Thakholi

Litlatle tsa sechaba sa bakriste ho hlaha liti-kolohong tse 'ne tsa Naha ea Lesotho le kan-tle ho naha, li ile tsa khobokana ka bongata Ha 'Ma-Jesu, Roma ka la 31 Motšeanong ho isa la 1 Phupjane monongoaha ho tla keteka mokete o moholo oa selemo le selemo oa sehopotso sa lefu la Fr. Joseph Gerard ea Lehlohonolo.

Mokete ona o ne o phatlalat-soe ke Mopapa John Paul II ea Halalelang e le mokete oa Mohlanka oa Molimo Fr. Joseph Gerard OMI, ho tloha bonyenya-neng ba hae kapa tlhahong ea hae ka selemo sa 1831, ho tla fihla sehopotso sa lefu la hae ka la 29 Motšeanong 1914.

Har'a tse ling tse ngata tsa bohlokoa tse ileng tsa etsa-



qha! "O itse ke Lekhabunyane la Morena, e leng hona moo litaba tsa Fr. Joseph Gerard ea Lehlohonolo li kollang hona teng. Maria Movirigo ke 'muelli ha veini e felile. Ka hona ha re tleng ho eena o tla re kopela veini ho mor'a hae. Ha re se keng ra e

matla a lireleka le liskramentale, moo a ileng a bontša mefuta e meraro ea lireleka le liskramen-tale 'moho le bohlokoa ba tsona.

Sehlohlo sa mokete ona e bile Sehlabelo se Halalelang sa 'Missa mesong ea la 1 Phup-jane monongoaha. Khothatsong ea hae Mobishopo oa Mohale's Hoek, Mohlomphehi John Joale Tihomola HCP o boletse hore re keteka bophelo ba Fr. Joseph Gerard ea Lehlohonolo ea ileng a inehela ho Morena Molimo le ho rata sechaba sa Basotho ka pelo eohle ea hae.

A re bophelo ba hae e bile bopaki ba tumelo e phelang. "Tumelo e se nang mesebetsi e shoele shoi! Fr. Joseph Gerard ea Lehlohonolo eo re mo hopolang, e le Moapostola oa Basotho, morumuoa oa Mofora ea ileng a tla Lesotho, o ile a amohela puo, bochaba ba rona le ho phela bophelo ba Basotho leha a ile a qeta lilemo tse itseng a e-s'o bone mokriste h'a ka a tela." O boletse joalo a bile a eketsa ka hore tšepo eo a neng a e-na le eona ho Morena Molimo le lerato la hae ho sechaba sa Basotho ke tsona tse entseng hore Kereke e be teng ho fihlela kajeno.

A re o ne a palama pere ho potoloha le libaka tsa habo rona, a etela bakuli, maqeku le maqhe-koana leha a ne a se a le mo-holo hobane o ile a tšepahalla thomo le mosebetsi oa Morena Molimo. Ka hona o ne a rapela haholo 'me a boetse a tšepahal-la Movirigo Maria 'm'e oa Jesu Kriste kaha e le eena ea mo rutileng ho rapela. "Na le lona kajeno na ebe ke 'nete hore re tseba ho rapela? Re thaba hakakang hobane o re rutille ho rapela. Kajeno re batho le ho ba balumeli." Ke Mobishopo Tihomola eo.



hala moketeng ona, ho bile le mokoloko oa thapelo ea Rosari e Halalelang, phano ea Sakra-mente ea Pako, ho rapella ba-kuli, ho aka Sefapano se Ha-lalelang le lithuto tse ileng tsa fanoa ke baprista ka ho fapa-kana ha bona. Thutong ea pele e bileng har'a mpa ea bosiu Fr. Paul Moshe o boletse hore Maria Movirigo pele ho tsohle ke mohauhelo, 'me ke eona taba eo a itseng re tsoanetse ho e ela hloko pele "re 'mitsa 'Mamolimo ke mohauhelo. Ke ea tletseng grasia. Ke ea ileng a rokoa le Lenyeloi la re ke ea lehlohonoholo har'a basali."

A re Maria Movirigo o ile a ipitsa ka lebitso le le leng feela

batla kae kapa kae, mona moo le ntseng le e batla teng ba tla le fa 'mamotsatsa o'a taha." A rialo.

A re Maria Movirigo ke mohla-la oa tšepo kaha a bontšitse tšepo ka ho amohela molaetsa oa lenyeloi ha le re o tla emola a tsoale mora ka matla a Moea o Halalelang. Ka hona o ile a ba le tšepo. A supa hore ke ea amohetseng thato le thomo ea Morena Molimo bophelong ba hae joaloka Fr. Joseph Gerard ea Lehlohonolo. "Ke 'muelli ea matla oa rona ho mor'a hae" Ke Fr. Moshe eo.

Haele Fr. Emmanuel Mokhofu OMI thutong ea hae o ile a fana ka thuto mabapi le bohlokoa le

2024-2025 SELEMO C

MOKETE OA PENTEKONTA



Liketso 2:1-11

Pesalema 103

1Ba-Korinthe 12:3-7.12-13

Joannes 20:19-23

Khothatso



Nchafatsa tumelo ka Moea o Halalelang

Mokete ona ke oa bohlokoa haholo mosebetsing oa Kereke hobane balumeli ba ile ba fuoa matla a ho bua ka thuto ea Kriste. Lipalo tsa selemo sena sa C li kena ka botebo ho Moea o Halalelang, li bontša hore na o ile oa fetola bophelo le Kereke joang. Ha re li sheba re bona karolo eo Moea o e nkang tumelong ea rona, oa re tataisa le ho re matlafatsa hore re phele tumelo ea rona ka sebete.

Mokete ona o tsoa moetlong oa Bajuda o neng o tsejoa ka hore ke "Mokete oa Libeke" o neng o tšoea nako ea kotulo. Mehlang ea khale ka nako ena ho ne ho fuoa Morena litholoana tsa pele, eaba morao o se o hokahanngoa le Thabeng ea Sinai moo Moshe a ileng a fuoa melao teng. Pentakonta e ile ea tloha ho kotulo ho ea Selekane sa Sinai, 'me phetoho ena e bontša bohlokoa ba molao bophelong ba Sejudi.

Bakriste ba ile ba bona Pentakonta ka leihlo la khanya e ncha, e ne e le qaleho ea mosebetsi oa Kereke ho arolelana thuto ea Kriste lefatšeng ka bophara. Le kajeno ho ntse ho ketekoa ho tla ha Moea o Halalelang 'me sena se re hopotsa karolo eo Moea o e bapalang kahar'a Kereke le lefatšeng. Lipalo tsa kajeno li bontša mosebetsi oa Moea o Halalelang e leng ho bopa, ho etsa lilekane le ho aha lihlopha tsa balumeli.

Moea o Halalelang o nkoa e le bophelo, o tisa bophelo kahar'a balu-meli 'me o boela o ba matlafatsa. Re ithuta haholo ka mesebetsi e entsoeng ke ona kahar'a Kereke, hape o re thusa ho utloisisa ka mokhoa o tebileng bophelo ba eona.

Nakong ena re hopola mantsoe a moprofeta Joel 3:1-5 a re thusang ho utloisisa seo Pentakonta e leng sona. A bua ka hore Moea o theo-hela ho e mong le e e mong, eleng ona molaetsa o moholo oa Pen-takonta. Joele o ile a profeta hore ho na le nako eo Moea o tla fuoa bohle, 'me sena se bontša boteng ba Morena Molimo ka mokhoa o mocha. Motho e mong le e mong ho sa natsoe lilemo kapa boemo o tla amohela Moea o Halalelang. Molaetsa ona oa lerato la Molimo o matla haholo, 'me ka nako ena ea Pentakonta re lekola hore na sena se fetola tsela eo re bonang bonngoe ba sechaba le thapelo joang. Ho tla ha Moea o Halalelang ho barutuo ho ile ha fetola bophelo ba bona, ba ile ba ruta thuto ea Kriste ho batho ba merabe le lipuo tsohle. Mohlolo ona o ntse o ruta le ho tataisa Kereke le kajeno. Lipalo tsa Selemo sena sa C li re khothaletsa ho nchafatsa boitlamo ba rona. Ha re lokolleng lipelo tsa rona, 'me re lumelle Moea ona ho sebetsa ka ho rona. Re amohelang hore motho e mong le e mong o na le lineho tseo a li filoeng ke Morena. Ha re 'mona re tsebe ke setšoantšo sa Molimo ea phelang, ka hona re mo amohela joaloka Moea o Halalelang.

Ka ho amohela matla a Moea re tseba ho susumetsa batho ba bang ho seo re se utloang 'me re se amohetseng. Re bontša lerato le kutloelo-bohloko ea Kriste ho batho. Ha re tloha kahar'a moaho oa Kereke joale re kenella metseng le metsananeng, mapatlelong le mebileng ha re pheleng tumelo ka sebete, tšepo le thabo eohle.

Bahalaleli har'a Beke

9	Phupjane	Ephrem
10	Phupjane	Getulius
11	Phupjane	Tochmura
12	Phupjane	Eskill
13	Phupjane	Rambert
14	Phupjane	Elgar

Li khutla Botswana li khothetse

Tšeliso Thakholi

Le ha Mokhethoa oa Lesotho oa Papali ea Volleyball oa banana ba lilemo li katlase ho 20 o sa atleha ho hlaha boemong ba pele litlholisanong tsa lipapali tsa Mohope oa Ditsala International Cup, tse bileng Gaborone, Botswana ka la 30 Motšeanong ho isa la 1 Phupjane 2025, libapali tsa Lesotho li bonahala li khothetse haholo kamor'a hore li be le seabo lekhetlo la tsona la pele lipapaling tsena.

Mokhethoa oa Lesotho o hlahile boemong ba bohlanono har'a linaha tse 'ne tsa tikoloho ea Amerika, Botswana le Zambia, tse neng li kentse letsoho litlholisanong tsena tse hapiloeng ke HBCU, bobeling ea eba BIP, borarong e bile Zambia Senior, boneng ke Botswana Senior National ha maemong a bohlanono e bile Lesotho Junior National e leng U/20.

Ho ea ka libapali tse neng li kenetse litlholisanong tsena, le ha ba hlahile tlaase hakaalo, bona ba bonahala ba khothetse haholo kaha ba atlehile ho nka malebela ka papali ena ea Volley-



ball boemong ba machaba. "Rona re khutla re khothetse haholo litlholisanong tsena, moo sepheo sa mantlha e neng e le ho ea nka malebela, 'me re nka re sebelitse haholo hobane e ne e le lekhetlo la rona la pele re kenela lipapali tsena tsa boemo ba machaba." Ba rialo.

Mokhatlo oa Lesotho oa Papali ea Volleyball o ne o

romelletse libapali tse 12 tsa ba lilemo li katlase ho 20, litlholisanong tsena tseo morero o moholo oa tsona e leng ho phahamisa moea oa papali ena linaheng tsa Amerika le Tikolohong e ka Boroa ea Afrika. Li boetse hape li thusa ho holisa le ho matlafatsa papali ea Volleyball, ho tsoma talenta morolong o mocha le ho fa libapali monyetla oa ho

bapatsa litalenta tsa tsona boemong ba machaba.

Haele kahare ho naha, sepheo sa ho kenela lipapali tsena ke ho tla bopa mokhethoa oa ba lilemo li katlase ho 20, o tlang ho kenela lipapali tsa bacha tsa AUSC Region 5 tse tlang ho tsoareloa Naheng ea Namibia monongoaha. Morero e boetse ke ho matlafatsa litalenta le litsebo tsa papa-

li ea Volleyball le ho bopa setsoalle sa moshoelella le libapali tsa linaha tseo ba neng ba qothisana lehlokoa le tsona. Sehlopha sa Naha ea Lesotho se bile tlasa bokoetlisi bo chatsi ba Monghali Moholo Lekomola e le eena mokoetlisi a tlatsetsoe ke Mofumahali 'Mamojaki Tjabane. Athe motsamaisi oa sehlopha ke Monghali Motlatsi Matlotlo.

Tae-Kwondo e matlafatsa boitšoar

Tšeliso Thakholi

Papali ea Tae-Kwondo leha ho bonahala e tjametsoe ke qholotso e kholo ea khaello ea mabala naha ka bophara, hoo libakeng tse ling e sebelisang lihlo tsa matlo a lijo le lino le lihlo tsa likolo tseo boholo ba tsona li batang haholo nakong ena ea Mariha ho

ikoetlisa, ha se feela bakeng sa boithabiso le boithapallo, empa ke papali e fanang ka bophelo bo botle, e fetolang bophelo ba batho ho ba etsa banna le basali ba kajeno le kamoso ba nang le boikarabello le tlhompheo le ho matlafatsa boitšoar.

Tsena li boletsoe ke e mong oa libapali tse matla tsa papali ena, e leng Matšelis Lebamang puisanong le Koranta ka la 3 Phupjane monongoaha moo a bontšitseng tšepo le

lerato la hae papaling ena, e ratoang haholo ke bacha le batho ba baholo kahare le kantle ho naha kaha o mong oa morero oa eona e le ho itšireletsa khahlanong le lira, motho a sa sebelise libetsa tse kotsi empa a sebelisa bohlale le maqiti a papali.

"Naha ea Lesotho e ikile ea tuma haholo machabeng ka papali ena joaloka papali ea mabelo matsatsing ana. Ntho ea bohlokoa haholo joalokaha ke se ke boletse

e aha boitšoar bo botle, boitšepo, sebete le lintho tse ngata tseo motho a ka li nahanang tse bopang makhabane a motho ka mong." O boletse joalo a bile a re bakoetlisi ba papali ena naha ka bophara ba lokela ho ema ka maoto ho khutlisetsa papali ena moo e neng e le teng linakong tsa ho feta. "Ha re khutleleng litseleng tsa khale re il'o botsa hore na ebe re fositse hokae hobane re ntse re e-na le baholo ba rona

ba ileng ba beha Naha ea Lesotho 'mapeng ka papali ena." A rialo.

A re papali ena ha e ntse e tsoelapele ho bapaloa kahar'a naha e bile e ntse e matlafatsoa ka mahlale a kajeno, e tla hlakisetsa Naha ea Lesotho banna le basali ba nang le boikarabello, ba tla tseba ho holisa malapa le ho ntlafatsa naha ea habo bona. A tiisa hore papali ena ke ea tse ling tse nang le molemo o moholo bophelong ba sechaba, "me ha e khethe maqheku le maqhekoana. E bile bona re ba khothaletsa haholo ho e bapala molemong oa ho itšireletsa khahlanong le lithekefetso tsena tse soto tseo ba li etsetsoang letsatsi ka leng."

A ipiletsa ho 'muso ka Lekala la Lipapali ho e ela hloko papali, 'me e rutoe ka matla likolong mona ho tloha ho tsa Mathomo, tse Phahameng le tse kholo. A leboha bohle ba kentseng letsoho le toma ho holisa papali ena, 'me a kopa bacha le batho ba baholo ho bapala papali ena kaha e le bohlokoa haholo bophelong ba bona.



O phatlalatsa sehlopha sa mapomelo



qetela eo Likuena e tlang ho e bapala le Namibia ka la 10 Phupjane, ke eona eo barati le batšehetsi ba bolo ba e tonetseng mahlo haholo kaha lihlopha tsena ka bobeli li tla be li qala ho kopana lipapaling tsena, ‘me sehlopha ka seng se hlotse lipapali tsa machaba tse tharo ho tse hlano tseo se li bapetseng.

Ho sa le joalo lethathamong la mapomelo le kenyelelit-seng libapali tse ncha tse fokolang haholo ka palo le eme tjena: Lithibathibane ke Nthebe Majoro, Mosoeu Sehloho le Leluma Mofoka ea qalang ho bapalla Sehlopha sa Naha. Ba bapalang moleng o kamorao ke Mohlomi Makhetha, Thabo Makhele, Thabang Malane, Mphale Mphalaole, Thato Sefoli, Fusi Matlabe le Leluma Posholi, ba bapalang mpeng ea lebala ke Lehlohonolo Matsau, Mokoteli Mohapi, Teboho Letsema, Lehlohonolo Fothoane, Tumelo Makha, Tholang Makuru, Paseka Maile, Liphopho Ralesupi, Tšepo Toloane le Kananelo Rapuleng. Haele bahlaba-lintlha bona ke Teboho Masuoane, Makara Ntaitsane le Khaketla Matamane ea mocha haholo Sehlopheng sa Naha.

Tšeliso Thakholi

Mokoetlisi oa Sehlopha sa Naha sa Bolo ea Maoto Likuena, Monghali Leslie Notši o phatlalalitse lenane la libapali tse 23 tsa sehlopha sa naha, e le sa mapomelo se tlang ho e hlanaka khahlanong le sa The Flames ea Malawi, Mokhahlelong oa B

litlholisanong tsa Mohope oa COSAFA tse qalileng Mangaung, Afrika Boroa ka la 4 Phupjane 2025.

Sehlopha sena se tlohileng kahar’a naha ka la 2 Phupjane ho leba Mangaung moo litlholisanano tsena li il’o bapalloa hona teng, ho tloha se qalile libeke tse tharo tsa boikoetliso ha se ea ka sa e-ba leha e se e le papali e le ‘ngoe feela ea ho itokisetse lipapali tsena, e le hona ho hlokola moo ho

tlang ho khethoa sehlopha sa mapomelo le ho ipeha sekaleng hore na e fela se tla o besa o tuke lipapaling tsena.

Leha ho le joalo, sehlopha se na le monyetla o moholo oa ho hapa lipapali tsa sona tsa pele le tsa bobeli kaha ho bonahetse litlholisanong tsa COSAFA tsa 2023, Likuena e ne e hlole sehlopha sa Malawi ka 3-0 thahong ea mekoko ‘me sa atleha ho fihla ho makhaola-khang a

litlholisanano tsena. Se ne se ntse se le tlasa bokoetlisi bo hloahloa ba Monghali Leslie Notši ea ntseng a se koetlisa le kajeno.

Ka mokhoa o tšoanang le papaling e hlahlamang eo Likuena e tlang ho e bapala khahlanong le Angola ka la 8 Phupjane, e ne e hlole sehlopha seo ka ho se shapa ka thupa e bohloko ea 1-0 lipapaling tsa Mohope oa African Nations Championship(CHAN). Papali ea ho

E nyolohela ho A Division

Tšeliso Thakholi

Likhalala tsa bolo ea maoto tsa Mokhahlelo oa B Division, Happy Hearts ‘Lipelo tse thabileng’ li nyolohetse lihlopheng tsa A Division kamor’a ho hlohlora ntle ho qenehelo sehlopha sa Qacha’s Nek LMPS ka phafa ea 3-1, lipapaling tsa mapomelo tsa ‘Promo-

tional Playoffs’ tse neng li bapalloa Lebaleng la Bambatha Sports Arena, Maseru ka Moqebelo oa la 31 Motšeanong ho isa la 1 Phupjane 2025.

Lipapali tsena tseo e neng e le tsa ho qetela tsa lihlopha tse peli tsa A Division le se le seng sa B Division, e ne e le tsona tse neng li beha pooaneng lihlopha tse peli tse tlang ho bapala lihlopheng tsa A Division, ha

se le seng se ne se loanela hore se ‘ne se sale se le ho A Division. Ha ho potang, ho hlakile hore sehlopha sa Happy Hearts se kene Mokhahlelong oa A Division ha sa Lilemela se phonyohile selepe ka ho sala lihlopheng tsa A Division.

Athe sehlopha sa Qacha’s Nek LMPS se theohetse lihlopheng tsa B Division kamor’a ho hloleha ho hapa leha e se e le papali e le



‘ngoe lipapaling tsena. Papaling ea pele eo se ileng sa e bapala se ile sa hlolea ke Lilemela ka ho shapuo ka phafa ea 3-2. Ha ho le joalo, sehlopha sa Qacha’s Nek LMPS e suthile sebaeng, ‘me ho kene Happy Hearts le Lilemela e neng e bapala Liking e ka Leboea ea A Division.

Lihlopha tse keneng Mokhahlelong oa A Division, ke Buasono United le Happy Hearts ha lihlopha tse theohetseng Mokhahlelong o katlase oa B Division e le Qacha’s Nek LMPS le sehlopha se kileng sa tuma haholo ka papali ea sona e ntle lihlopheng tsa Liki e Kholo e leng sa Naughty Boys.

Ho ea ka Raliphatlatso oa ADMACO, Monghali Kofa Rantai ba sebelitse ka katleho e kholo ho tloha ha lipapali tsena li qala hofihlela li ba li fihla pheletsong. A re seo ba se boneng monongoaha ke hore lipapali tsa bona li ntlafetse haholo ho feta lilemong tse fetileng kaha ho sa ka ha e-ba le linyeoe le meferefere e mengata haholo. A phethela ka ho lebohela sehlopha sa Happy Hearts se sebelitseng ka makhetha le boitelo hore se qetelle se atlehile ho hapa lipapali tsena tsa mantšano. A ipiletsa ho bakoetlisi le batsamaisi ba sehlopha seo, ho tsoelapele ka mosebetsi oo oa bona o motle.

LEC e khetha ho ipusa



Nthabeleng Seithleko

Mokhatlo oa Basebetsi ba Kampani ea Phepelo ea Motlakase Lesotho (LEC) o re basebetsi ba ikemiselitse ho etsa sohle ho bona maemo a lichelete a LEC a fetohile e tsoile boimeng boo e leng ho bona. Tsena li boletsoe ke Tšepo Lekola lebitsong la Mokhatlo kapel'a Komiti ea Para-

mente e lisitseng Tšebeliso ea Lichelete tsa Sechaba (PAC), ka la 3 Phupjane monongoaha.

O re basebetsi ba labalabela ho sebeletsa Basotho ka boitelo, ka hona taba ea ho nyolloa ha meputso ea basebetsi ba tšoereng maemo a tšebetso ha nakoana e lokela ho sebetsoa ka toka ka tsela e sa sekisetseng ba bang. A re ba mpa ba tšoenngoa ke hore e tla re ha ba lumetse hore kampani ha e na chelete, ba ananetse hore

10% e ka sebelisoa ho basebetsi 'moho sepheo

Setho sa PAC, Macheset-sa Mofomobe o re leano le

bocha. A re ke ntho e soabisang e bileng e nyarolang ho bona batho ba ichebile ba sa re letho ka ntla-falo ea sechaba, hobane ho inyetleletsa lichelete ke ho lebala boikarabello boo motho a bo filoeng haholo nakong ena eo LEC e sesang kahar'a bothata ba tlhokahalo ea lichelete ho bileng ho amang phano ea litšebeliso tse molemong oa sechaba.

Ho sa le joalo, Boto le Bookameli ba LEC e hlahletse nyeoe Lekhotle-ng le Phahameng e kopa Lekhotla ho thibela PAC ho e phenya mahafi ka bobolu bo sibolotsoeng ke Mohlahlobi oa Libuka tsa 'Muso, ka la 4 Phupjane monongoaha.

Molula-Setulo oa PAC, 'Machabana Lemphane



sa eona ebe ha se fihleloe.

A bontša hore batho ba tšoereng molepo e le bot-samaisi ba ka bonahala ba nka lilemo-lemo e le batšoareli ba sa theohe litulo, 'me e le mokhatlo ha ba thabele boemo bo joalo.

Ea tšoereng molepo e le Mookameli oa LEC, Ntsie Maphathe o hlalositse hore taba ea ho nyolloa ha meputso ea basebetsi bao e leng batšoareli ba nakoana ke sesosa sa moferefere o teng hona joale kaha moralo oa sona o sebelitse feela ho bookameli ba khoebo.

teng ha joale le amanang le meputso ea basebetsi le lokisitsoe feela ho tla tsoela molemo karolo e 'ngoe ea baokameli ba teng hona joale. A re ba lokela ho bua litaba ka moo li leng ka teng, moralo oa selemo sa 2021 o fetotsoe ke batho ba tšoereng molepo tšebetsong ea LEC hore ba tsebe ho una molemo.

O re bao ba e ntse sena ka morero hobane nako eohle esale moralo o ntse o sebetse leha batho e ne e le batšoareli, ba bang ba beheletsoe ka thoko e be ho se ho thoe e shejoe

Letsie o hlalositse hore komiti e ne e lokela ho mamele litaba tsa lefapha la likhokahanyo la LEC, ba ile ba lokela ho emisa tšebetso kaha ba lokela ho arabela lengolo leo e le komiti.

LEC e entse kopo ho Lekhotla hore LEC e se hlole e bitsoa ke paramente le litaba tseo ba li buileng kapel'a komiti Lekhotla le laele hore li hlakoloe hohle. A re ka nako eo lichelete ke tsa sechaba, paramente ke eona e abelang LEC chelete ka hoo e na le matla a ho lisa tšebeliso ea lichelete tsa sechaba.

